

PRUFISSORI

. Scopi comunicativi :

- . Parlà di u tempu ch'è faci o ch'eddu farà.
- . Insignà una quantità.
- . Insignà i mumentu di a ghjurnata.
- . Insignà i staghjoni, i mesi.

.U documentu: 1'02''

1. U tempu d'oghji è di a notti ch'è veni : 39''
2. U tempu par dumanu è i ghjorni da vena: 25''

.Capiscitura:

U prufissori si pudarà ghjuvà da l'esercizii interattivi.

1. Glubali :

. À i sculari li si dumanda di dì tuttu ciò ch'eddi poni nantu à l'arrighjistramentu (paroddi, pezzi d'infrasati, situazioni...). À pocu à pocu si ghjugni à una descrizione fundia di u tempu mintuvatu à pettu à i mumentu di a ghjurnata o di a settimana.

2. À pezzi :

- . Pà ogni parti si pò dumandà à i sculari di truvà un titulu.
- . I sculari ripetini u più paroddi, pezzi d'infrasati o infrasati pussibili.
- . U prufissori faci i dumandi precisi : « quali parla ? », « quali sarà sta parsona ? », « ch'è tempu hà da fà in fin di matinata ? » ecc...
- . I sculari rifacini u bigliettinu dendu u più precisioni pussibili.

.Sprissioni idiomatichi :

Sò da truvà in a passata :

- Pocu è micca
- **Duie** candelle

Si poni aghjustà :

- Piovi è ni fala
- Saetta !
- Ch'è timpacciu !

.Stidiu di a lingua :

. Esercizii interattivi di Studi@lingua.

. U lessicu di u tempu : u caldu, u fretu, a nebbia, u timpurali, beddu, cattivu, porgu, trattà, grandinà...

. U lessicu di a ghjurnata : l'alba, a mani, dopu meziornu, l'abbrucata, a sera, a sirata, a notti, a nuttata.

. U lessicu pà insegnà a quantità : quantu, pocu, assai, troppu, menu, di più, à l'ingrossu...

. I quattru staghjoni, (i mesi).

. A scunsunatura : /f/ /v/.

. Funulugia : [tʃ] [dʒ]

. U futuru semplici.

. U futuru vicinu.

. A suffissera : u suffissu « ata » : durata (ghjurnata), azzioni o colpu (risata, bastunata, quantità/cuntinutu (manata, piattata) è u suffissu « escu » : urighjina (Muresca) , modu (pasturescu).

.Pruduzioni à bocca (discorsu cuntinuvu) :

U sughjettu pò ghjuvà da pruduzioni scritta.

Prisintareti un bigliettinu meteò visuali (power point, filmettu, prisintazioni à u tavuloni cù a carta di a Corsica).

.Pruduzioni à bocca (discursata) :

U sughjettu pò ghjuvà da pruduzioni scritta.

Fareti una cuncontrastata da paragonà u tempu in dui lochi di a Corsica, o u clima in dui parti di u mondu.

.Cultura :

.Esercizii interattivi di Studi@lingua.

.I venti : libecciu, tramuntana, muntesi, grigali, sciroccu, maistrali, marinu... à pettu à i punti cardinali è i rughjoni isulani .

. U clima in Corsica : paragonu di u clima maditerraneu (rvisioni : u Maditarraniu) cù l'altri climi (rvisioni : u mondu/l'Auropa).

.Valutazioni (fiscia scularu)